

مجموعہ سنون

از

منیف پاشا

ناظر معارف عومیہ سابقا

هر شهر عربی ابتدا سنده چیتار رساله موقوتہ

برنجی سنہ

جزؤ ۱ ربيع الاول

استانبول

آغو بیان خانہ آرمیان مطبعہ سندہ نومرو ۱۳

۱۳۰۰



مقدمه

بوندن يکرمی ایکی سنه مقدم ممالک شاهانه ده علوم و فنونک
نشر و تعمیمی نیت خالصانه سیله درس عادتده برچوق ارباب
معارفدن مرکب جمعیت علمیة عثمانیه عنوانیه برهیت تشکیل
اولنوب رئیس ثانیلکنه دخی اعضاسنک انتخابیه بوقیر کبضاعه
تعیین ایدلمش ایدی. جمعیت مذکورهنک جله آئارندن اولمق
اوزره یک ایکی یوز یتش طقوز سنه سی محرمندن اعتباراً مجموعه
فنون نامیله بررساله موقوته طبع و نشر اولنوب درت سنه دن
متجاوز مدت دوام ایتدکن صکره باشلیجه اعضاسنک طاغملری
وبالخصوص مشغولیت عاجزانه مک تکثری مناسبتیه تعطیل
ایدلمش ایدی.

مجموعه فنون ممالک عثمانیه ده ترکیه رسائل موقوتهنک
برنجیسی اولوب حتی رساله موقوته تعبیری الک اول بومناسبتیه
وضع و استعمال اولنمشدر.

مجموعه مذکوره برمنوال محرر جمعیت نامنه و بعض
اعضاسنک معاونتیله تحریر اولنوب فقط حسب الریاسه نظارت
عاجزانه م تحتنده ایدی و اول وقت محررلی حقنده مایه فخر
وشرف اوله جق درجه ده عامه طرفندن مظهر رغبت اولمش ایدی.

شو ائشاده وقت و حال عاجزانه م مساعد اولديغندن مستعيناً بالله مجموعه فنونك احياسنه مبادرت ايلدم . بونك دخي اولمكي كبي هوسكاران معارف نظرنده مظهر حسن قبول اولمسي اعز مأمولدر . مجموعه فنونك ابتدای ظهوری اولان زمان ايله شمديكي حال بيننده معارفجه کلی فرق واردر . جدالله تعالى ترقیات حاضره اسكي وقتله قياس قبول ايتمه جك درجه لرده در . اليوم يالكز در سعادتده تركجه اوله رق بوقبيلدن نشر اولنان رسائلك مقداری زیره مندرج دفترده کوسترلديكي وجهله يکرمي ايكي اولوب کتد کجه دها چو غاله جغی مجزومدر . رسائل موقوته نك بودرجه ده تکثري ارباب مطالعه نك ترايدينه و کالای کرانيهای معارفك رواجنه علامت اولديغندن شو حالك ترقی جویان مملکت نظرنده موجب تشکر و ممنونیت اوله جق احوالدين اولديغی آشکاردر . طوغریسی شو ترقی روز بازار علم و عرفان اولان عصر معارفحصر حضرت پادشاهی مآثر جلیله سندن عد اولنغه شایاندر .

واقعا رسائل موقوته نك بوقدر تعددی اولديغی بر زمانده مجموعه فنونك اعاده سنه پکده لزوم اولمديغی کبي يالكز لغی زماننده کي رواج و اعتباره دخي نائل اولمه جغی ملحوظ ايسه ده فائده لی شيرك بر زیاده اولمسی بالطبع دها خيرلو اولوب (لکل ساقط لاقط) مفهومنجه حالنه کوره راغب و مشتريسی دخي بولنه جغی امید ایدرز . رسائل موجوده اصحابنه کلنجه بزائلرك هم معارفپوریرلیرنی جله دن زیاده تحسین و مقاصد خیریه لرده حسن موقیتلیرنی آرزو ایتدیکمز دن انلر دخي هيچ دکل ايسه مجموعه نك قدمنه حرمة ظهورندن ممنون اولوب اتی بر پيرکهن سالک نورسیدکان اره سنده

مظهر اولدیغی اعزاز و مسامحه لایق کوره جکارینی مأمول ایدرز .
 رسائل موقوتہ نك انتشار معارفجه حسن تاثیراتی فوق
 مایتصو درر: علوم و فنون کتابلرینك شامل اولدیغی معلومات
 نافعہ یی یاخود کشفیات و اختراعات جدیدہ یی ارباب مطالعہ یه
 کلفت و ملالی موجب اولیه جق صورتده جسته جسته بیان
 ایدر و حسب المسالك مسائل علمیه ایله اشتغال ایتکه وقت و حاللری
 مساعد اولیانلره دخی معلومات مجمله ویرر و بومعلومات مجمله
 بعضلرینك نظر دقت و رغبتنی جلب ایدوب بومناسبتله تحصیل
 علمه هوس و اهتماملرینی داعی اولور . خلاصه جزوی مصرف
 و زحمتله عامه نك توسیع دائرة معلوماتنی موجب بروسایله
 مرغوبه در .

مجموعه یه درج اولنه جق مواد انتخابنده و بونلرک اصول
 تحریر یه سنده مسالك سابق محافظه ایدیله جکدر . مجرد علوم
 و ادبیات و صنایعدن بحث ایدوب مسائل سیاسییه و دینییه تصدیدن
 اجتناب اولنه جق و هر حالده محاسن لفظیه دن زیاده محاسن معنویه یه
 اعتنا ایله ممکن مرتبه زیانزد و ساده برطرز افاده التزام ایدیله جکدر .
 اشبو اصول متخذه یه موافق اوله رقی خارجدن کوندر یلان
 مقاله لر مع الممنونیه قبول ایله صاحبینك امضاسایله مجموعه یه درج
 اولنه جق و حتی مجموعه نك مندرجاتی حقنده مناسبی و جهله یازیلان
 تعریضات بیله رد ایدلمیه جکدر .

اشبو تشبث مجرد ابنای وطنه عاجزانه بر خدمت ابرازی
 نیت خالصانه سندن عبارت اولمغله هیچ بر هیئت و فرد حقنده
 قطعاً رمز و ایهام طریقله دخل و تعرض ایتك دائرة مقصدمزك

خارجنده در . بناء عليه مباحثات مزده دائماً كليساتدن بحث اولنوب
قطعا شخصيات كيريشليه جكدرد .

حسب البشريه بر كونه سهو و خطا مز وقوعبولديغي حالده
لطفأ اخطار يا خود عفو و عنايته سزاوار بيورلمسني ارباب علم
وانصافدن متضرعانه نياز ايدرز .



اليوم در سعادتده تركجه اوله رق طبع اولنان رسائل موقوته ايله
صاحب امتياز لريني ميبين دفتر در

اصحاب امتياز	رسائل
محمد فيضي افندي	۱ * مرأت عالم
توفيق بك	۲ * مجموعه ابو الضيا
محمود جلال الدين بك	۳ * خزينه اوراق
مصطفى عاصم افندي	۴ واسطه ترقى
ضيا بك	۵ چوجققره قرائت
مهران افندي	۶ * هفته
سالم افندي	۷ رهنماي زراعت
محمود جلال الدين بك	۸ * انسانيت
محمد توفيق افندي	۹ بو آدم
محمد عزت افندي	۱۰ * رهبر فنون
كتابخي عره كل اغا	۱۱ * خانملى
محمد عارف افندي	۱۲ * مجموعه اثار
مصطفى رشيد افندي	۱۳ * انوار ذكا